

北

游

錄

北游錄紀聞

鹽官談遠儒木著

自北上以褐賤所聞寥也而不敢自廢輒耳屈二輩上貴人其說翔翫塵壒之外迂朽毋得望至淵儒魁士未始多值間值之而余頗蒙自怯囁嚅久之冒昧就質僅在跬頃懼其厭苦手別心悵餘則垣壁程杙之是徇余之憤亦其甚乎然幸于燕而聞其略也若錮我荒籬之下禽籟亟吟唧足入耳能傾附縻之殘藩乎哉陋寔余不在游也故紀聞

吏部楹帖

吏部堂聯萬曆初冢宰錢唐張瀚立功名身外事大就
何妨小就何妨富貴眼前花早開也得晚開也得

宋濂裔孫

浦江宋濂謫卒夔州子孫回家焉而故里仍有宋氏今蔚
州知州宋三傑云其後

湯若望

大歐邏巴國人湯若望今官太常寺卿管欽天監印務勅
號通玄教師其國作書自左而右衡視之製衣璽紙潔白表裡
夾刷其畫以胡桃油清絹抹藍或綠或黑後加采焉不用
白地其色易隱也所畫天主像用粗布遠睇之目光如注近

則未之奇也湯桀上書頗富醫方器具之法具備有秘冊二本專煉黃白之術溧陽陳百史相國名夏欲傳之不得也崇禎甲申三月京城陷陳避天主堂欲投繯力沮之湯又善縮銀淬銀以藥隨末碎臨用鎔之故有玻瓈瓶瑩然如水忽現花麗艷奪目蓋煉花之精隱入之值藥即榮也鑄鎔鉄為刀柔可繞指揮之若然有聲他製頗多不具述

通政司叅議

通政司叅議閤大率以戶刑工部郎中陞試日讀章疏一道偉幹閤聲為貴備上御門宣奏也左右叅議一嘗外轉一嘗內轉時人語曰一外一活

人集

宗禎時寧海諸生色君祿失其名家頗裕其子年殆壯好
飲博嘗道中歐父歿食其腦土人執送熊太守太守拷問曰
吾當時謂牛耳不知父也斃于杖下

商文毅銀章

淳安商文毅格有憲宗皇帝所賜銀圖書曰澹泊寧靜今
藏于家其地九峰遭迴水各環護遂安馬揚明說

徵異

先朝大內多奇物濟寧楊太史士聰玉堂舊記曰大內藏有瓜
子長五六寸嘗述之吳駿公先生先生曰不止此吾友某親見大

內活蟻脩尺許其狀可畏不知所自產又太倉太常王煙客
時敏云友人某于蜀中見豔人若干共龍形不逾三寸衣
冠垂髯聲啾如鳥雀短于焦僥矣

金龍池

馬邑縣西北十里洪濤山下有水一泓深不可測嚴冬不冰後魏
以來人傳池有二龍時化為馬一驪一黃遇天陰晦民間之馬
遇之生駒神駿或有角如鹿茸然馬邑縣志

洪濤山下淵深無底唐初有一馬從池中躍出里人驚怪莫敢
近之馬每朝出奔騰郊坂暮復投水中以為常尉遲恭往
收之從太宗征伐翊成開創之功後馬不知其所終今日金龍

池震中志按鹿馬易形秦人以罪趙高而馮夢禎快雪堂
集云大同有馬似鹿者抑洪濤山所產耶傳奇有尉遲敬
德洗馬則金龍池中事也

透玲碑

大同應州佛宮寺相傳唐晉王墓上石光明如鏡照見人
物元李兵焚止留二尺許曰透玲碑

王右軍遺墨

東陽何氏宋太師 之後所遺右軍書若問淳熙深問
之必還也義之頓首字徑五寸長幅今存義馬金公輝嘗視

沙河古墓

沙河縣北陽村有古墓志蓋上書楊君墓傷刻墓後千
七百年墓為張安所發者滅門今石見存古廟前而楊
君履歷已不可攷順德府志

黃侍中祠聯

青池黃侍中觀祠聯曰兩榜掄魁豪端濊不盡義膽忠
肝想到江上勤王獨往獨來天地點一門殉節波影留得住
貞魂烈魄說起橋邊從事同替同氣鬼神驚

攷經堂記

三原冢宰王端毅起致政潛心經作攷經堂記略曰攷經
固當攷儒先之傳注亦不可不以心攷之其經如此其傳如

此以心致之亦如此然後信之斯可以語諸人其經如此其傳
如此其心致之不如如此則當闕之不可以訛傳訛以誤後學
且如易之文言曰乾始能以美利天下不言所利大矣哉
程傳以為乾之道能使庶類生成天下蒙其美利而不
言所利者蓋無所不利非可以指名也故贊其利之大曰
大矣哉朱子本義以為始者元而亨者利天下者利也
不言所利大矣哉貞也今之學者多不讀程傳而宗朱子
如此章者以吾心致之當以程傳為是又如書之金作贖刑
蔡傳以為贖鞭朴之刑以吾心致之鞭朴乃官府學校常用
之輕刑如何一以金贖之豈非贖老幼為廢之不能受刑

者乎又如詩之南有喬木不可休思注以為上聳無枝曰喬以吾心改之釋喬木之喬同可如此遷就釋喬岳亦可上聳無枝曰喬乎喬字只可以高字訓不可以上聳無枝釋之也又如春秋公羊穀梁以尹氏卒為正卿左氏以尹氏卒為尹母一以為男子一以為嬖人學者將誰信乎此攷經者固不可不用傳註亦不可盡信傳註要當以心攷之也

海運新政

梁太宰夢龍海運新政曰海道里數淮安府至安東縣九里安東縣至馬洛關五十里馬洛關至蘆浦四十里蘆浦至楊寨四十里楊寨至白沙關二十里白沙關至雲梯關二十里雲梯關

至淮河套六十里淮河套至大海東州山百二十里東洲山至高
公島三十里高公島至鷹游山三十里鷹游山至盧溝所十五
里盧溝所至青口六十里青口至興莊五十里興莊至東沅所百
里東沅所至濤落場三十里濤落場至信陽場百二十里信陽
場至森堂島四十里森堂島至靈山島九十里靈山島至竹
柁島五十里竹柁島至浮島四十里浮島至灣島六里灣島至
鰲山管島三十里管島至田橫島七十里田橫島至欽島十里欽島至
青島百二十里青島至海洋所灰島七里灰島至炕兒島八里
炕兒島至玄城島百三十里玄城島至雙駝埠二十里雙駝埠
至寧津所八十里寧津所至成山衛五十里成山衛至青鵝島六

十里青雞島至羅山所五十里羅山所至威海衛四十里威海衛
至劉公島五十里劉公島至寧海州七十里寧海州至寧島五
十里寧島至齊山所三十里齊山所至福山縣三十里福山縣至登
州新海口八十里登州新海口至沙門島六十里沙門島至桑島
五十里桑島至萊州岫島四十里岫島至三山島八十里三山島
至芙蓉島五十里芙蓉島至海倉百里海倉至魚坑鋪十里
魚坑鋪至白浪河五十里白浪河至六溝河五十里六溝河至小清
河十里小清河至清河五十里清河至鮑網口十里鮑網口至江
岔河十里江岔至大口子四十里大口子至大清河十里大清河至
唐頭寨十里唐頭寨至小沙河五里小沙河至潭水汪十五

里渾水汪至降河三十里降河至久山河十里久山河至大沙
河二十里大沙河至泊油河十五里泊油河至套河十五里套
河至沙頭河十里沙頭河至大清河三十里大清河至桑白河
三十里桑白河至徐家溝十里徐家溝至乞溝河七十里乞溝
河至大沽河二十里大沽河至天津衛百五十里天津衛至張家
灣八十里自淮安至張家灣海道水程共三千三百九十里

海道灣泊舟行停泊宜在舊設墩上畫樹旂幟夜懸燈籠
以便趨集嘗改永樂間平江伯陳瑄督海運于鹽山建烽
火臺高三十丈餘今宜師其意多為標識公云

由淮安起至信安場場東土民董氏門前可泊船二百隻

齊堂島 屬諸城縣在夏河所東南水陸相去共約二十里自鷹游山風利
書夜到島後既髦嘴可泊船三兩隻。濟洛夾店口舊夏河
等所安東靈山一帶
近多殺閭前販

靈山島

西離齊堂水路五十里北離靈山衛水路四十里屬膠州風利可泊船北往
行或阻風今各島或靈山衛前可泊船二百餘

古鎮巡簡司

山嶺南海邊行或阻風在鎮西海王門前龍王溜處可泊船五
百餘

竹提島

屬膠州在靈山衛東薛家島前離靈山衛水路五十里由島前行
或阻風即合北島或薛家島前可泊二三隻

黃島

商船安泊此守風可泊船百十隻

淮子口

膠州城東最險要內多隱石湖長石見須轉南行淮河熟路也

陰島

屬膠州由島前行潮退有旱路內為民居

麻灣西口

通膠州可泊船

福島

一作浮即墨縣南五十里顏武社地方航行島後亦可泊

淮口港 鰲山衛過六潮可泊四十艘

董家灣

即墨縣南九十里每三四月捕魚時百花叢集灣前有石塘頭近裏二里間水

大管島

即墨縣蕭旺社地方距縣十里島內外俱可行船

小管島

蕭旺社地方離縣十里如船今程不及此島可泊離鰲山衛十餘里

田橫島

即墨縣去縣百二十里西去嶗堂島水陸共有五百里風利日可到島後東圍西圍俱可泊

柘島

春時船由行外行駛由內行

沙島

屬大山所去听十里可泊船百十餘隻

馬公島

即墨縣正東離縣所正南屬萊陽島南島東并何家馬頭可泊船七十隻

草頭嘴

大高衛正東去衛二十里屬寧海州自田橫島開船或阻風奔此可泊船六十隻

青島

乳山寨西南小海最可泊船帶麥島海口楊家盤海口擒吊山海口俱可泊船不多

黃島

海洋所正南去所二十五里島西所前可泊船屬寧海所去百二十里

海洋所白沙海口可泊船不多

官家島

即琵琶島寧海州即楚社地方去洋海所四十里島西北可泊

長灣園

文登縣可泊船處

龍門口

文登縣界在靖海衛西北可泊

狗角口

靖海衛東蘇心島西北與蘇州南北相對故名蘇心島上有海神廟可泊

槎山文登縣南二十里有九頂山脈大海可以遠眺為水程標記

宋家園

即沙島俗呼柳埠海口屬靖海衛可泊又蘇山海可泊百十餘隻

何家嘴

即延真島去所五里文登縣東百二十里

石島文登縣赤山寨界航行島南

別付島 在赤山寨南可泊

木家島

即鎮鉅島南可泊島東北海內有四座峯最險要船須內行島在文登縣百里昔有捕魚者于此獲寶劍故名

黑石島

遠呼城兒馳船內外可行

楊家陸

寧建所東南潮落則顯長則隱內有石龍有文墩由內洋數里開船無咎听人呼為杓島人名為乾島

萊莖島

尋山所南遇南風可泊

高島海口可泊船百十餘

駱駝石 水急可泊

竹島

嶺山街正南相去二十里船由嶺東行轉馬山至秦皇廟或阻風進馬山北小海口可泊船百餘

送波嘴

家鷄汪海口屬嶺山街可泊四十餘隻

春山嘴一名黃石崖離院水滿無風激浪如雷可避亦可泊百餘隻

成山衛海口可泊百餘隻

柳芥界口可泊百餘艘

白峰頭屬成山衛約十里其度多礁石無風激浪有聲舡經此向東開

餘里避之

仙人橋

潮退橋顯十餘里潮長水沒止露共無風激浪如雷由裏開洋二十里行無或口西可

海驢島成山衛東北四里可避仙人橋之險險開洋二里島東北望西轉

雞鳴島

即青吉島文登縣東一百里自成山衛西北行抵此島行舡亦可泊過東風即行避或內成山或前山劉公島有雞鳴嶼內有浮礁一片

可避望西有夫人嶼不可在內行舡望西北行至劉公島約四十里

大溝海口文登縣南有暗石沙港不可泊

辛江寨文登縣南遠北有陳家崖可泊

黑山洋近黑島在威海衛東北洋險不可泊

劉公島

去文登縣百二十里東北行至王家嘴轉西行過有漫村海口有灘在威海衛橫東西南有黑石海口俱陡峻不可泊遇南風在衛東北張家海口可泊自劉公島轉西至小村為抵空島約百餘里風利一日可到芝罘島或值西風西北風正北風正南則劉公島避空島不可泊

威海衛東關外海套可泊船二百餘

寧海衛東柄海口可泊船不多

養馬島水路至寧海衛十里可泊石則泊花舍港

龍門港口古泊船處

金山所雙寺等海口俱屬寧海衛可泊船三十餘

芝罘島

俗呼慈島青島青山所西北山東通陸東西二里長內有福山民居至青山所十里至福山勝三十五里至八角口六十里可泊

大河海口不得已可泊舟五十

奇山所前園海口不多泊後園海口不多泊勝子園不多泊

灘名口可泊船二十

婆娑海口。宅窠

登州新海口備倭都司城邊可泊船百十隻

長山島沙門島

俱蓬萊海道要處有井可汲舊有監察行堂二巡檢司有海廟正德前有司春秋二祭

樂家海口可泊船十餘隻北風不敢久停西至黃河口寨三十里

黃河營屬登州衛有東小海口可泊船三十隻土人島人畏習者

桑島一名桑雞島

前可泊船百五十東至新海口京里去听馬亭寨十五里有井可汲

馬亭鎮巡檢司屬黃縣近西地名大龍口一帶灘淺不可泊

馬亭寨備禦所屬萊州衛西至東良河口屬招遠縣

界河

海道經云開放萊州大洋收進界河即此在黃河西北十里今沙淺不可泊

東良海口東北至桐沽口歷三條寨城北海岬一帶礁石宜避

岬北島

屬黃縣南可泊船五十避北風西至三山島約五十里四回各有礁石宜避內有龍王廟此島有路約一里南通陸

三山島

屬萊州西北俱可泊船五十餘西向有礁石有龍王廟西至芙蓉島四十里

蟻蛭島

屬萊州一名芙蓉島東有沙嘴半截沒水顯露開船果行無害西至海倉巡簡司一百里島可泊船五十餘至席頭岬五

十里至唐頭寨二百餘里

萊州海神廟後海口潮淺可泊船十餘

虎頭岬

登舟上船至席頭岬俱有島嶼可泊席頭岬至海倉口七十里唐頭寨百八十里唐頭寨至天津衛七百里此路雖遠有泊處

堪行又席頭岬開洋往西北至天津衛約五百餘里以路徑便但無泊處

海倉口

西半里新河海口可泊內至魚兒鋪巡簡司十里至淮河三十里可泊船十餘

淮河口可泊船三十餘而至魚兒舖三十里至白浪河五十餘里

魚兒舖巡簡司

屬昌邑縣西至青州左衛唐頭寨二百二十里洱河海口
口往裡十五里可泊船三十餘

洱河海口屬青州可泊

小清河大清河海口並可泊

唐頭寨屬樂安通商處

小沙河口至渾水汪十五里

渾水汪口可泊船三十餘

大沙河西北東俱可泊

套河往裏三十餘里可泊船三十餘至沙頭河十里

沙頭河可泊船百十餘

桑句河至徐家溝十里

徐家溝河口可泊舡三十餘至乞溝河七十里

乞家河海口可泊舡三十餘至天津衛百二十里

天津海口至張家灣八十里

隆慶辛未海運初雇海鵬舡五隻分載米二千石每駕舡十

二人自淮安至天津試運無碍

趙岬游略

盤屋趙岬字子岬萬曆己酉貢士未宦好金石遺刻所著
石墨鐫華看千卷其游覽皆以搜訪舊蹟也如游九峻
記嘗馬嵬北五里有隋李使君碑隸書稍遜漢法而不甚闕

獨闕使君名號碑云季父琰之琰之見魏書使君封安喜縣
公官亦不卑而隋史無傳不可攷過延長寺抵儀門村至昭
陵十里北里許得許洛仁碑書不大佳又北半里許得薛收
碑駸有伯施法折而西里許為趙村有廣濟寺後石鼓唐
人書尊勝呪精健絕倫止存十三攷長安志園有石鼓興
宮而不言所以從趙村北行八里為莊河村先于道旁家得
姜遜斷碑及村中則版志言碑行間一牧羊兒云碑甚多
予攜以金使導東行數十步田間又橫一碑則監門將軍王
君碑又東行數十步一碑無字亦無塚蓋土人平之而并磨其
碑耳以圖攷疑是長孫無忌碑又東行半里許為劉洞

村流水界之渡而東一碑則房梁公玄齡碑褚河南正
書存者無幾又東數十步高士庶碑在焉又東數百步
李靖碑在焉撰書姓氏殘闕與諸碑同而上半完好靖塚
作山形文星以象其功土人謂上三塚李勣塚亦如靖塚
下三塚二塚南北相去不二里勣碑高宗御書高三丈餘斷
然此主與溫彥博碑榻者甚多土人誣其字殆盡彥博碑
在靖碑北數十步歐陽詢書法視皇甫九成化度最為
得中而不復可損就西峪村東南古塚相連碑甚多褚亮
碑阿史那忠碑張後胤碑孔穎達碑豆盧寬碑張阿難
碑麟次都不百步書與段姜等碑皆有法而孔穎達碑主

杜預虞伯施但結構小疎昔人謂為伯施書也預達卒在
世南後不應世南作書當是留世南者書之然已優孟矣已
又得蘭陵公主碑於老軍營之西北得馬周碑于狗村之東
得唐儉碑于小陽村之北碑多佳孔穎達碑螭首嵌空處有
至正四年三月顧游特看此碑墨書十二字積泥中拭視如
新亦一奇也又宿西峪村馬遠進止之馬止處一碑仆地募人起之
乃崔相公敦禮碑大半完好是一奇也予既不即行訪求
殘碑仆者起之埋者出之存額者搨額尉遊敬德碑自
穎以下埋土中間十五年前尸為質田掘而搨數十紙予出
之了無半字蓋土人于今君搨後掘而瘞之耳又半數冢

土人謂宰相墳外一碑傳是魏鄭公碑山東半數家土人謂亂
冢坪予甚疑之予皆起之則與尉遲碑同不知何年播而外之也又陵
北四十五里北千村有己連孤公碑者會雨止翊日從西道九峻中
一峰為太宗葬處曰昭陵高不敵中南小峰下觀歷朝祭
碑與翁仲或側或仆獨六馬皆以片石刻其半左右列各三
攷歐陽書贊刻石晉仲容又書刻馬座今馬身半刻而無
座字製亦不類唐人且太宗以天下全力豈難作一石馬而半
刻之耶姑存以待博物者自此益斗絕至馬鞍山達其巔則分
東西二峰見空同未至此界以涇仲山嵯峨障其東逕出山後
渭繞其南則終南太乙亘若列屏平川一帶俛視無際長安

城者彈丸矣循山北三十里為東莊村是日午之叱千村東二塚
一為己連孤昭佑碑苗神客撰釋行滿正書一為己連孤行儼
碑劉憲撰白義隆分書地僻擗者少故得稍完矧自南行
緣谿上下由東道下谷口為煙霞洞傳為鄭子真隱居處涇
陽亦有谷口此去涇尤近而漢中又有谷口不知誰是矧日南
邇阿史村亦有數大家回憶叱千豆盧阿史那皆代北大姓而
阿史那豆盧諸人又有功于唐陪葬昭陵此必三族所居而無
所改迨此東望茂陵隸然碑上而衛霍諸將附焉略而南盡
得興平城上于九峻茂陵又寄指顧中矣興平判官乃隋
賀若誼碑宋人磨其陰刻任夫子廟碑元文尚存十五

昔曹完好縣令不耐嚴貴人之索取播其字過車云已示崇
寧寺辟得魏常醜奴墓志雖不大佳唐以前物可存也是
役也為日十四得隋碑二隋墓一唐碑二十石鼓一尉遲恭杜
淹李思摩順義公先妃陸氏清河公主碑額六

趙子岬又游城南記略日出安定門西安府西門過演武場游
崇仁寺本名崇聖隋唐建今為秦師香火院締構丹碧長
安城諸寺不及也俗呼金勝寺經堂前有唐大德檀法師
塔銘並立佑撰石幢草勝神咒張少悌書皆殊絕又二日出
永寧門西安之南門也舊記所謂安上啟夏舍光諸門皆
亡其故處今城四門東曰長安西曰安定南曰永寧北曰安

遠自永寧至薦福寺三里許寺經廢徙非唐創塔十五版
嘉靖乙卯地震裂為二癸亥地震復合無痕亦一奇也又三里
興善寺前據草場坡所謂橫岡之第五又也雍錄長安志
諸書皆云隋宇文愷築大興城以城中有方大坡象乾文
子九宮宮室九三置百司九五貴位不欲人居置玄都觀
大興善寺以鎮之觀當在寺西東又有裴度宅張權輿
所謂宅據乾岡者今觀與宅皆廢獨寺存寺後閣巍然
銅佛像併轉經藏疑皆昔時物閣前有大德禪師碑
額寺東南又三里為慈恩寺據記云寺經廢毀殆盡惟一
塔儼然則今寺亦非唐創而塔自宋熙寧大後不可登萬

曆甲辰重加修飾施梯始得至其巔泰山涇渭皆入目中唐
人墨蹟孟郊舒光輿之類皆不可得塔下以石為枕上唐
畫佛像精絕為游子刻名侵蝕可恨東西兩龕褚遂良
書聖教序記尚完好而唐人題名碑刻無一存者問之僧云
塔前元有碑亭乙卯地震塔頂墜壓為碎段今亡矣按唐
史高宗禦製并書慈恩寺碑玄宗迎置之寺中又寺西南
一里有李晟先廟碑張或撰韓秀弼書今二碑皆亡寺前小
渠曲江泉合黃渠水經鮑陂而西間二十年前尚有水宗侯
誼記堊在其北引水作池忘者塞其泉竭矣寺東南行二里
即曲江西畔江形委曲可指皆詩禾稼江正北阜故樂游原

今為永興王府塋原下舊有青龍寺今亦毀江頭古塚隆起
數處疑非塚當是唐宮殿基杏園芙蓉池皆在江西南今
不可攷又西北有楊尚書塲廟碑李林甫撰王曾書今孤氏
廟碑劉禹錫撰併書今皆亡呼廟坡頭如故又東南二里
為漢宣帝杜陵下為三趙村中小塚鱗比疑皆帝從塋者
又東南五里為張曲記謂有蕭嵩墓今數塚未知誰是孟
曲江達張曲地漸高自東南一帶迄遶過長安西皆所
謂少陵原也本鳳棲原以宣帝塋許后起少陵在司馬村
東其西皆秦王塋地松栢林鬱華表翁仲數十里相望焉
據記張曲之內趙村有論子仁墓張說為碑已斷外無字

今亡村中有石翁仲二疑是仁墓上物趙村西為高望有蕭
高父灌墓碑張說撰梁升卿書高望之西北又有仇士良
郭敬之昇平三碑皆當在十餘里內亡矣遂東南行至龐
留宿王氏莊西半里為秦惠王墓前掘得臥府君碑字
皆平隱可讀乃唐段志玄父也碑額字亦漸平細如故如
處州縉雲碑似是石理漸長歐陽永弇言不誣耳西南五
里原盡得興教寺據高原俯樊川玉案山天池寺在其南韋
趙三院在其東韋杜莊嚴諸寺在其西神禾原道安洞惠
炬寺橫亘其西南游塔院觀三藏慈恩西明三塔三藏銘
劉軒撰慈恩銘李弘度撰俱建初書西明銘宋復撰書呂

大防所創玉峰軒以玉案得名當在寺後原丰今獨陳正舉
所為記在殿辟間一唐人畫地獄變相止存閻羅王一鬼三大
不盈尺而猙獰之狀駭人心目亦一奇也下寺渡滴水尋道安
洞丰傾亦寥落道安事無改有金人所為碑獨叙安生平而
不及洞所始但至西倚高岍東眺樊南之景舉目可盡又東
南過鄭家莊唐駙馬乾曜後族尚百人據記鄭氏居蓮花
洞在道安洞西北今乃在東南豈年久遷徙耶似不可曉自
此南行抵南山普光寺有二一在山上二在山下寺金碧莊嚴
為長安諸寺之冠即崇仁不及也最勝者寺門內蓮花池大
數畝中作藏經閣環以廊百楹上寺距下寺里石磴飛梁

長松古柏翠壁蒼巖應接不暇而莊嚴則減下寺改出直
玉案山北是故龍池寺東北坡上有墨遠禪師塔記云上
興教寺玉峰軒南望龍池廢寺則寺自宋已廢國初
有無壞禪師者西方人與秦王有宿世緣卓錫至此夜擊
木魚聲達王宮異之明日未見師與語王恍然悟前生事
命席禮師携石甑炊餅石確煮水飲食王從者數十人皆給
王乃即山起寺竟証國師所遺禪衣錫杖及甑確見存師
化後又一西僧貌類即踪跡詭異或與食亡筭或累日不食
或飲之酒不醉或自遺矢傾食中併食之一居士欲從之游
僧指失令食居士有難色僧笑而舍之去後所遺矢處輒生

白蓮花僧殆亦無壞之流也惜無所遇云朔日西北行循神
禾原過惠炸寺荒落特甚下原經杜固有水西北流當是
杜正倫所鑿尚名鳳凰嘴自此稍西北行為杜曲又西北為楊
萬坡夏候村上華嚴寺丹碧雕殘而倚太原賊太乙諸山築
在目前則猶昔也寺西二塔昔五塔今存二東一塔有杜顒禪
師像西塔為清涼國師妙覺塔俱經重修敗垣中有唐
比丘圓滿斷碑書雅有歐褚法又僧舍有唐儼尊者塔
額大字又有夢英撰碑何潤之書記文殊閣載杜順肉身今
亡所在而杜順和尚碑不知何緣乃在長安閭佛寺中循原西
行數里有宗尉懷斛莊亭館參差林木掩映懷斛者懷璩

弟也懷璈字長房博學能詩文西二里為牛頭寺地勝如
華嚴而莊嚴過蓋之亦秦邸香火院也寺有徐士龍撰碑
今亡自寺西南行過申店沒滴水西北望皇子坡大冢其
西為畢原下為杜城何氏山林逍遙公讀書臺岑嘉州
諸莊俱無致西南過神禾原十里為香積寺樊川御宿之
水交流其下謂之交水西合于澧入于渭亦一勝地也寺額塔裂
壁上有畢彥雄撰津業禪師塔銘書虬健有法登善寺此
汾陽破安賊時戰處交水東南十里得胡村寺原石質際
寺壁間有進法師塔銘又東南五里為百塔寺水信行禪
師塔院山畔唐仁僉妻庫狄氏墓塔尚存餘小塔累相比

謂之百塔今止存三五而已殿前石幢經無可書殊絕奇亦入
秦師故莊嚴稍勝殿辟金元舊畫雄偉可觀僧出一像紗帽
金龍紅袍云得之承塵意金元達官修寺者也東望晉光僅
十五里所謂南五臺者曰觀音曰靈應曰文殊曰普賢曰現身
皆山峰卓立樓臺出半天在晉光之西南百塔之東南而道塞
多猛獸不易至每歲六月真禱雲集秦師人緣道設飲食以
待之乃可游焉循山西行林中多柿栗其陰蔽日又十五里為
子午鎮直子午谷口有市多山珍長安人往貿之南望谷殊險
曰憶魏延欲以精兵五千自子午谷薄長安此去褒斜千里首
尾不相救縱走夏侯祿豈能當曹叡張郃步騎五萬耶真妄

言也鎮西十五里為董村寺是翠微下院山上寺為翠微董林
寺壁間金碧金牒歷載諸寺化度猶存思率更邑禪師
塔銘又西十里為觀音山奇峭與諸山殊大壑積氣出入令駭
目又西十里豐谷豐水為六水之一而谷口僅數十步亂石夾水北
流殊非大波稍北合高觀水交水始大耳水上橋又西二里為
高觀谷水注大石罅曰高觀潭瀆沫如雪上有鉄絙懸橋如
豐谷高觀谷之西則草堂寺也秦姚興迎鳩摩羅什譯經
于此原名逍遙園國唐僧宗密居之為草堂寺今名棲禪寺
有鳩摩羅什塋舍利精殊甚宋人作亭覆之今尚在傍有
龍井云與高觀潭通未知的否殿後有圭峰定慧禪師碑柳

公權衆休撰書圭峰定慧禪師者宗密也辟間又有隋鄭州
刺史李淵為子世民祈願記淵唐高宗世世民太宗也又有
章惇蔡京題記皆歷可讀寺前揖紫閣峰東觀音山
西圭峰如屏環而圭峰獨辟立亦曰并頭山又曰鷄頭十六
國春秋云石生兵敗潛雞頭山是也寺南一里有長興寺秦
邨創又西南三里有子房寺則僧大海創以譯經俗謂留侯
尋黃公非是當由紫閣訛為子房耳東南小峰頂圭峰
寺四寺惟棲禪最古而莊嚴頗不及長興是行也為曰圭得
隋記一唐碑三塔銘六石幢佳者二宋碑一記三唐碑額三
西安定門外西北二十里陽甲城之外無其郭其塞曰白日為

都出城二十里至胭脂陂則董仲舒墓在陽甲城內東南隅
今西安蓋唐都而小唐城則包曲江陽甲則北枕渭溪並
天津渭又五里則陽甲之皇門皇門者宮城門也又村數里曰
古未央地今入秦師屯曰又上數里則古殿址其中斬如折角之
中登之北五陵南杜霸俱並列其西南秦阿房也杜陵在曲
江東謂據樂游原上者誤按雍錄樂游原在慈恩寺北
而又謂前藍水後黃山者亦誤黃山谷蓋在盤屋陵後
寔無他草藍水者蓋澹水自東南來者也澹東為白
鹿原有陵為薄太后塚稱歡箕塚謂薄姬也

王弘慶瓦石語

咸寧王弘慶文宣好古刻以歐陽永祚之集古錄洪容齋之
隸釋趙德甫之金石錄明都玄敬之金薤琳琅楊用修之
金石古文趙子函之石墨鏤華俱有成書子函所錄距今
三十餘年兵燹之後且多不存況其他乎今所收共二百餘
本彙為十卷曰片石語

卷之一 三代至漢

夏禹衡山碑 在衡山竄雲峰

周武王銅鑑銘 在衡縣府

周穆王壇山刻石 在趙州

周宣王石鼓文 在北京園子監

仲尼題季札墓在丹陽縣

秦嶧山刻石翻刻在西安府學

漢八年荆王寶石枕題字

漢泰山都尉孔宙碑孔宙後碑

漢泰山魯相置孔子廟卒史碑

漢魯相史恭孔子廟碑後碑以上五種在曲阜孔廟

漢大風歌碑在沛縣

漢司隸尉魯峻碑并碑陰在濟寧州

漢執金吾武榮碑在濟寧州

漢郃陽令曹全碑并碑陰在郃陽縣

漢北海相景君銘在濟寧州

漢淳于長夏承碑在廣平府

漢竹邑侯相張壽碑在城縣

卷之二六朝

魏受禪碑鍾繇書在許州

魏封孔羨奉孔子祀碑在孔廟

吳皇象天發神讖碑在應天府

晉太公志在衡輝府有二種

宋謝靈運詩石在陝西布政司

後魏豆盧恩碑

後魏周惠達碑 二碑在歐陽縣

北齊玄奘寺碑

後周保定二年殘字 在姜保村

後周邑子題名

隋陳明府修孔子廟碑 仲孝俊撰在孔廟

隋淮安定公殘碑 在中北村

隋義成子梁羅墓志 在杜曲堡新出

隋李淵為子世民祈疾疏 在草堂寺

隋皇甫誕碑 歐陽詢書在西安府學

隋智永真草千文 在西安府學

卷之三 唐帝王

唐刻石經在西安府學

唐景雲觀鍾銘 睿宗作

唐萬年宮銘 高中撰書碑陰題名諸臣自書

唐李英公世勳碑 高中撰書在醴泉縣

唐述聖碑 武后碑

唐武后詩王知敬書在登封縣

唐昇仙太子碑 武后撰書

唐涼國公主碑

唐鄖國公主碑 在蒲城縣

唐玄宗注孝經在西安府學以上三碑玄宗分書

唐蘭陵公主碑在醴泉縣

唐金仙公主碑在蒲城縣

唐尚書楊珣碑玄宗分書在扶風縣

卷之四唐名臣

唐房梁公官齡碑褚遂良書

唐溫虞公彥博碑歐陽詢書

唐李衛公靖碑許敬宗撰王知敬書

唐高申公士庶碑許敬宗撰趙模書

唐于燕公志寧碑在三原縣令狄德榮撰于立政書

唐澄城縣令鄭公德政碑

卷之五 唐名蹟

晉祠之銘 太原府

唐九成宮醴泉銘 歐陽詢書 在麟游縣

唐述聖頌 達奚珣撰 序呂向撰 頌并書

唐華岳寺精享碑

唐昭告華岳碑 韓賞撰 韓釋木書

唐西岳禱雨文

唐岳祠題名

唐賈諫謁西岳詩 以上俱在華陰岳廟

唐長安二年禱雨記

唐贈太師孔宣公碑在孔廟

唐亮公之頌張之宏撰包文錄

唐宗聖觀碑

唐緡雲縣城隍廟記李陽冰書

唐御史臺精舍碑并碑陰碑名崔湜撰梁昇卿書在西安府學

唐共城縣百門渡記辛怡諫撰孫去煩書在縣

唐武安君廟碑在咸陽縣

唐二思局題名記盧肇撰韓琮書在西安南關

唐左思題名在西安府學

唐司直廳題名記在劉家村

唐令新城碑

卷之六唐寺塔

唐昭仁寺碑朱子倉撰在長武縣

少林寺碑登封縣

法華寺碑李邕書在紹興府

淨住寺文賢像贊在車家巷

鉄彌勒像頌林謬撰高氏書在交城縣

淨土堂五十二菩薩讚

高延貴造佛像讚

蕭元春造佛像讚

楊將軍新莊像銘

毓國公花臺銘

常均造佛像銘

李承嗣造佛像銘

多寶佛塔感應碑 岑勛撰 顏真卿書 在西安府學

憫忠寺寶塔頌 蘇靈芝書 在順天府

共北山浮圖銘 趙不為撰 序趙不疑撰 銘

景教流行中國碑 呂秀岩書 釋景淨撰 在崇仁寺

姚元景造佛像銘

陳公心經

草書心經

卷之七 名書

唐集右軍聖教序記太宗製序高宗製記僧懷仁集

唐集右軍殘碑僧大雅集以上在西安府學

孔子廟堂碑虞世南撰書在城步縣

孔子廟堂碑在西安府學

聖教序褚遂良書

聖教序記褚遂良書在同州

聖教記褚遂良書二碑今刻在慈恩塔下

雲麾將軍李思訓碑 李邕書在蒲城縣

雲麾將軍李秀碑 李邕書在宛平縣

娑羅樹碑 李邕書在淮安府

歙州刺史葉有道碑 李邕公書在處州府

張旭千文

張旭肚痛帖上二種在西安府學

郭敬之家廟碑并碑陰在陝西布政司

顏氏家廟碑

爭坐位帖上二碑在西安府學

東方朔像讚在山東陵縣

玄靜先生季含光碑在茅山

八關齋會記在歸德府

麻姑壇記在撫州府

孔子廟碑文日休撰在華州王氏

顏真卿奉使題字在同州

唐華岳題名在華陰岳廟以上俱顏真卿書

先蔭記

三墳記二碑李陽冰撰書在西安府學

碧落碑在絳州

碧落碑釋文陳惟玉書在絳州

懷素千文

懷素聖母帖

懷素藏真帖 並在西安府學

卷之八 唐墓志

唐騎都尉李文墓志 在同州

唐王損之墓志

唐張景墓志 張泰客撰

唐鄭恒墓志 秦貫撰

唐內侍李輔光墓志

唐內侍劉光俊墓志 高肅撰在咸陽縣

唐恭軍元瑤墓志在曲江新出

唐韋夫人墓志在寺坡

唐元夫人墓志在軍濤沱

唐內侍張氏墓志索玄慶撰子林有鑒書在咸陽縣

唐內侍王氏墓志王孟諸撰

唐王夫人塔記在留村

卷之九唐方外

夢真容碑

宗聖觀主尹文撰碑

玄元靈應公頌戴璇撰序劉用升撰頌戴板書以上三碑在終南

唐觀

道因禪師碑 歐陽通書

不空禪師碑 徐浩書

大智禪師碑 并碑陰史惟則書

楚金禪師碑 吳通微書 以上四碑在西安府學

圭峰禪師碑 裴休書 在草堂寺

寂照和尚碑 段成式撰 僧無可書 在咸陽縣

杜順和尚碑 杜散撰 董景仁書 在開福寺

隆闍禪師碑 僧懷深書

大徧覺禪師塔銘 劉軻撰 僧建初書 在興教寺

淨業禪師塔銘 在香積寺

靈運禪師塔銘 在琪撫僧勤 書在少林寺

大法師基公塔銘 在興教寺

大德進法師塔銘

大德檀法師塔銘 在崇仁寺

圓測法師塔銘 在興教寺

思恒律師塔銘 在玉泉池寺新出

敬節禪師碑 在杜永村

大德禪師遷葬記 在華嚴寺新出

圓和尚塔銘 沈興宗撰

趙素法師石函題額 在溫國塔

比丘尼法琬碑在墳林村新出

比丘尼法印塔銘在後溝新出

比丘尼法證塔銘在軍渡沱新出

卷之十唐石幢經

唐石幢心經僧元晉書

唐石生吼率天經

唐燈燃功德經在香積寺

唐保唐寺天王燈讚在雍家村今亡

唐光宅寺燈臺記在華嚴寺

王岳靈燈臺銘

尊勝陀羅尼經劉慎微書在寶慶寺

唐僧無可書在百塔寺

唐僧藏器書在蘭家村

唐席彪書在廣濟寺

唐洞宣書在蘭家村朱氏園

三原縣北原

韓參塚

涇陽慧果寺

富平六井寺

長安晉賢寺

三橋鎮

宜川王府

二龍寺

興慶寺

賈里村以上俱石幢書尊勝陀羅尼經

佛頂尊勝呪 張少師書在崇仁寺

佛頂尊勝呪 僧嗣浩書在牛頭寺

佛頂尊勝呪 僧玄德書在開福寺

尊勝呪 馬季武大書

尊勝呪 趙庄觀音寺

尊勝呪塔坡村

尊勝呪黃渠頭

尊勝呪慈恩寺

瓊花

宋徐節孝先生積集中云淮南轉運林公次中所居之所有花一株舊名玉蕊改曰瑤真即瓊花之別本也瓊玉亦也名其花者蓋誤矣

奉天老氏

奉天老氏閭中人不知其姓氏爵里所著遼山前集廿一卷後集廿卷近鑑三十卷韓子十卷樂言二十五篇研纂八卷此

見記三卷正統書六十卷好蓄書老不便檢閱作圓轉書尉
聚所用書環而帙之以便輪閱号曰臂僮謂不通一引臂也作記
時六十有九愚意此老作韓子必韓姓

詩話

顧元慶夷白堂詩話云越僧不知名索畫于石田翁寄一
絕句云寄將一幅荆溪藤江西青山西笈層華到斷崖泉
落處石邊添个看雲僧按此詩為海鹽朱元素作見村
西村集中

胡雲

無錫胡雲題樞日思親每憶臨危日對卷常懷赴老時

雲甲松陽知縣

漳州府額

閩中軍府之類皆用真書獨漳州府額用古篆體故老相傳謂其字從泣從早書法當避故篆以別之

制書偶遺

大明官制不載翰林院庶吉士蓋官制一書定于洪武而庶吉士則始于永樂二年甲申也似宜補入

大明一統志不載水馬驛巡簡司

大明會典不載內臣職掌

甘水

京師天壇城河水甘餘多苦蘭州黃學士諫京師水記云
自郊畿論之玉泉第一自京師論之文華殿東大庖廚井第一
一諫正統壬戌採花又故相石琚的泉詩往城中水不如郊外甘
如何城市客不肯住長安京師各巷有汲者車水相售
不得涸汲其苦水聽之亡論

房冢無後

德清房冢萬歷初以監察御史提督南畿學校多通苞苴
與搯江都御史瓊山海瑞不相下互訐奏各去位時人大為瑞
不平今傳三世而絕偶燕中客房生言余豁然有省昔云
天道有記性無急性觀于房冢侍御天之記性固未爽也

字誅

二同上樹兩樹又無人換却兩人字令人無處尋乃來來來三
字也處州萬象山廟或題曰戎境本有心須得口未佳人倚
簷立悶把門兒推云感應字也

白石

京師白石如玉出都城北三山大石窩

魏氏石獅

故寧國公魏良卿舊宅二大石獅其目下視魏太監墓之傍石
工至以良卿誅沒官曰策勲府以待後達者賜之今門無記

五穀

五穀類師古曰黍穀麻麥荳米晦翁曰稻黍稷麥黍晉江河
鏡山先生喬遠曰稻說文謂稻為稷稷稌屬也亦名秫福州曰
稷曰秫黍詩名物云丹穀也其類有黏、如稻之類糯不黏為穀
黏者亦名秫以為酒按黍北人曰梁浙人曰黍泉中有一種名稗粒
似黍而小稷說文曰五穀之長也北人曰高粱泉曰香黍浙人曰蘆
稃朱梅麓太史以爾雅難詳採本草諸說曰稷一名稂與黍
相似而粒殊大黍乃作酒此乃作飯疎爽香美塞此最多今人
不甚珍此惟祠事用之農家惟以備他穀之不熟則為糲耳黍
出北地江東時有而北土所宜其苗如蘆粘滯與糯米同性其
氣性溫暖丹黍皮赤其米黃惟可為糜不堪作飯北人之
釀酒作糲粟江南所種皆是苗俱似茅種類凡數十早則趕麥黃

百日糧之類中則有八月黃老軍頭之類晚則有雁頭青寒露
果之類古但呼為梁以本草言之稷乃是今高粱黍乃是今
黃小米果乃是今所常用之清白米也

項氏家藏

嘉興項中翰墨林

好墨蹟古畫多今仇寔父英臨本

今子孫亦不能辨其古畫如顧愷之女箴圖闊之本幽風圖
王維江山霽雪圖皆尤物也餘不論

王仁端

武功王仁有義才所著有林泉清漱集其詩看詞得詩
即已初不深求東鍾江陽之細或以庚青叶東鍾以寒山

叶監成日歌之不離是即大協我道蓋如是目客有難者
咲而不答已而曰於戲三百篇亦古之樂歌也彼之究經厲
之郊廟神人以和願豈拘于韻者天地間所聞皆韻視作
者何如耳夫豈有不協哉見康對山先生序中

牧羊

此人牧羊常數百為群暮歸從監道兩人交捫如以羊逐一
躍過即得其數

涸人

重舟添水杵不得其處涸者從舟底聽之知某倉受水發之不與

種麥

北地正二月種麥以冬雪厚濕透而鋤之藝麻麥弥茂其月種曰冬麥二麥穫始種蕎麥

元王禎農書八月社前即可種麥經兩社即倍收而堅好又漢武帝紀勸郡種宿麥蓋二麥比他穀隔水種故號宿麥

水稻

畿內間有水田其稻米倍于南閩昌平居庸關外保安隆慶陽和並藝水稻其價輕

北人饔飧多屑麥糲蕎苳為飢飢及寒飯至速客始炊稻市僅斗升其價甚昂土人亦不之種密縣超化寺前一區二百畝始稻密縣志按稻必水田北多墳土易黍稷麥粟其瀦水

處又直渠而少支流不能時權又無水農以導之故田有遺利

早蔬

漢太官園種冬生蔥韭菜茹晝夜焚蕋火待溫氣乃生見漢書召信臣傳今都下早蔬亦其法以先朝內監不惜厚直以供內庖三月末五爪不寸輒千錢四月初茹彈丸或三千錢

福州梨

福州有梨十月方熟重至二斤甚甘美

芹

江南芹生于澤視為剩物北芹土種修可二尺味亦佳

笋藕

北笋以蘆以蒲非竹萌也其腴脆如笋藕細如小兒臂不
耐嚼屑為粉佳甚

櫨子沙菓

吳絕菴先生集有馬櫨柳詩白花細而氣寔甘翻可嘗意
即櫨子也林檎吾鄉曰花紅北曰沙菓又奈似林檎而小北人
曰唬喇櫨有紅黃二種

芍藥

宣府赤城衛春時芍藥滿山谷夫摘其芽或鮮食或乾食
以和牲俎味佳甚故乘七發所謂芍藥之醬也隆慶州歲
貢芍藥二百斤永寧縣歲貢百斤並充藥物

大同山陰縣辛寨南山龍王祠前芍藥一叢五歲開花五
朵色各不同昔有一僧折其一將以供佛隨萎復至其處則原莖
復開一花如舊人驚其神異不敢攀折雖無樂禍牛馬不敢踐踏
昌平州西居庸關外三百里至赤城始見屠宰席多水器

赤城

去赤城街十二里湯泉周二畝沸涌可燂雞良久輒糜常隨
大牛膚漬外

鹿園

崇文門外二里大通橋東園舊秦廢地平如掌漫衍可數里

銀魚

寶坻銀魚似吳中繪殘而大倍之出海中舡山下松深霜後泚
而上育子諸淀中夏霧暝日波浪皆成銀色人每候其至網之瓦
窰頭出尤佳有銀魚廠命內監提督冬月抱子以冰進價頗貴

西安低銀

友人朱莪儒過西安言市易並低銀余按康對山集有為鄉人鈐銀
禁書云此縣自國初至今惟納邊銀糧用足色其餘用使常五六
程耳九程則太高者也今欲一切悉用足色使貧者典無衣服賣器
物以十易五尚不得常行六七程謂為通行之物今被撫公之命市
井之徒動勸採補採補者此間足色銀之別稱被貧寒之家安得
有採補耶撫公之意以兩直隸山東河南江淮俱行用細絲銀蓋此

數處錢法通行故不得不用細絲今若能使百姓通用錢法則可不刑一人而自無低銀矣云讀此知習尚難變雖屬禁愚益也

鄧將軍廟

萬歷戊戌副總兵南昌鄧子龍領眾援朝鮮渡鴨綠江有物觸舟取視之乃沉香一段把玩良久曰宛似人頭愛護之每入夢則香木與人言或對或協而為一後陣沒喪其元昧骸以香木雕其首酷肖子龍今建州人立廟事之甚謹謂其神能制死命也

建特廟于朝門之巽隅丹楹黃瓦元日臨祭餘常

輦入大內由中門導從甚盛 不是過也

張津

吾海寧進極帖寬一分則民受賜一分取一文則官不直一文嘗
閱閣書云博羅侍郎張津知南安縣所書于屏者先正愛
其語故傳錄之

董學

東陽縣東三十里董學古廣川也漢董仲舒授徒處今之人
蘇氏云其先董氏受業者

炎帝黍

澤州高平縣之東北羊頭山舊傳炎帝種五穀于此至今
山下有黍二畝其南陰地黍白其北陽地黍紅

晏嬰墓

臨苗縣城十里內外繁多大塚小者二三丈大者連同帶阜皆
齊初君臣墓地獨田氏四王冢在兩山下巍然並峙土人言塚
皆發掘獨晏嬰墓近之屢有神怪不可穿

孫讓橋

順德城內孫讓橋俗呼為板橋

孫夫人廟

蕪湖縣梁山螺磯上孫夫人廟吳王權女弟適劉先主者也神
聖靈驗渡殿男子不得入重沐衾席朝夕嚴潔有男子拭其廟
梁

寶島村

景州法善寺唐瀛州也范陽寶島嘗祝髮于寺在州城南已蕪

沒靜夜后嘗聞鈴鐸梵唄之音其村即以島名後居房山而
峪舉進士授長江簿卒誅葬房山城南十里

袁天綱遺蹟

袁州燒磚瓦不黑而白云袁天綱遺蹟

善濟侯

莆田縣先生神曰善濟侯最靈怪土人不敢犯興化衛指揮丁
歲讀書持正直上山巔鞭神而誅亦不能害

石蓮

趙州寧晉縣有石蓮子皆埋土中不知年代居民掘土往得之
有數斛者狀如鉄石肉芳香不枯投水中即生蓮葉食之令人

輕身延年已瀉痢諸症

玄狐教

康對山集云咸陽醴泉三原三水淳化高陵處有之但不若涇陽之多耳此教風行二十餘年妖師所至家之事若祖考惟其所命極意奉承一飲一饌妖師方下箸入口其家長幼大小即便跪請留福奪去自食至于退處空空則使處女少嫺次第問安倘蒙留侍枕席即為大幸有福云按今聞香教即狐妖也大啟間感行致徐鴻儒之亂近有長生教但齋素默坐男女清雜立廟于臨平縣和最稠麗餘覓于各鄉者不一吾里有少嫺往海鹽四人昇之值彌騎謂彼佛耶我當射之不動方奪狐其

嬾遽下與而走被汚久之愚俗冀福誑于妖師可歎也

田氏鉄獅

故左都督田弘遇賜第前鉄獅二元貞十年彰德路鑄造精
潔不鏽吳駿公先生作田家鉄獅行田家鉄獅屹相向甜談
躡夷信殊狀良工朱大初寫成四顧咨嗟覺神王先朝異
物徠來西極上林金鎖禁檻出玉闕龍獻獸園空刻盡丹青似事
力武安威里起高門欲表君恩示子孫鑄就銘詞錫日月大貽神獸
守重閭第令監奴晴閃燦老熊當路將人攫不堪此子更當闕鈎爪
張眸吐齧齧七寶香猊玉辟邪嬉游牽伴入侯家國入新進天闕馬
御賜仍名獅子花假向羌胡裝粧雜技猴猊穴出拳毛異跳擲聲

畫鼓催條支海何由致異材
逃獸信超羣其氣無如乃將軍將
軍豈是批熊手瞋目嗾呼天下聞
省中忽唱白粉死青嶺明年食
龍子吸暮血洒上陽門三十六官
土花紫此時鉄獅絕可憐兒童
牽挽誰能前縻駝摩肩牛犢角
霜推而蝕枯藤纏主念古來能
改眼鼻塵沙絰載鎖鑰無能護
此門畫圖何處鍊西海閭閻滄
州鉄獅高數丈千年猶氣難凋喪
風雷夜半戲人間紫皇戰伐
英靈壯蘆溝城雉對西山橋上
征人竟不還枉刻蹲獅七十二
樂乾流水自潺湲秋風吹盡連
雲宅鉄鳳銅鳥飛不得却羨如
來有化城香林獅象空王力扶
崔嵬牛見太平月支使者貢西
京并州積鉄終南治好鑄江山
莫鑄兵

蘆溝橋石獅兩行共三百六十有八

沈氏人頭鳥

天啟間義烏沈司城明道家于野塘人頭鳥一雙獲其一大如鴛灰色飼以飯後死其孫幼嘗見之為余言余按山海經黿鳥如龜人面四目而有耳見則大旱沈氏所護或黿鳥然不言其四目也

天台金錢

宋嘉泰四年天台石梁下涌出金錢負徑六寸文曰太平通寶寔宋太宗賜道人自詢者僧徒分攫則青蛇驅逐樵牧採取則墜石塞穴乃白于縣命之遂潭台州府學教授有記

明天啟年石梁下又流出金錢一枚重一兩錢

宜安

藁城縣西南二十五里有宜安社宜安村漢舊縣也本趙地
史記李牧拔宜安走秦將桓齮今父老指其阜曰李牧塚
指邱曰廬將軍臺見石熊峰集

袁景休

吳縣袁景休孟逸善歌詩賣卜終老劉子威以文自負景
休每與人摘其字句鉤棘文義紕謬者以為姍笑子威聞之
大怒訴于郡尉攝而笞之尉詰曰若故復姍笑劉衍御文章
耶景休仰而對曰民寧更受笞數十不能改諛劉侍御也尉

笑而遣之

誥軸

南京內府織造局神帛堂絲料

制帛一段長十八尺料絲十五兩每尺該絲八錢三分三厘強

誥軸一品文職長丈有二尺料絲一斤十二兩六錢一分二厘五毫

二品長一丈料絲一斤六兩八錢六分二厘五毫

三品長八尺五寸料絲一斤四兩一錢八分七厘五毫

五品長六尺料絲一斤五錢一分二厘

勅命一軸料絲十三兩六錢九分二厘五毫

誥軸武職料絲十三兩一錢三分八毫

石鼓文

石鼓文潘迪有訓音予得唐人拓本于李文正先生凡七百二字蓋全文也嘗刻之木以傳矣然都元歌金雖尙存周廣文選所收仍是殘闕四百九十四字 楊慎金石古文

空石

會稽山禹陵空石高七尺銳上而廣下上有孔其形如鑊可撼不可動相傳其下有機挾故也舊經曰禹葬會稽取此石為空上有古隸不可讀今以亭覆之宋魏宗簡詩禹穴元從一罅通禹陵元在亂山中飲泉空石皆如此誤却東游太史公頃歲丁亥土寇推石仆之徙平地無一他物

南宋六陵

會稽縣寶山去城二十五里高孝光寧理度六陵在焉明
初遣祭孝理二陵主享殿以孝宗志恢復理宗重道學也

萬壽寺戒壇

萬壽寺戒壇距京城西七十里每四月八日蒲棚滿山方僧下妓
給錢擁醉士庶輒以為笑猶為有元之遺俗焉戒壇後五里
極樂峰也有龐涓洞又西孫臏洞

蒯通墓

都城廣渠門元沙河門俗目之外北里莊其南坡蒯文通墓高四尺
相傳通時出沒其上高冠廣衫道人裝一童子携沙燈隨之

墓百步外一井文通向井汲乃反萬曆初卹太守瑣墓其側
遂不復見瑣夢文通責以尺寸地不相讓耶今卹氏微矣

愍題草

房山縣西南四十里石經山生愍題草他處所無日愍題山

仙梅石

岳州岳陽樓仙梅石得之土中其文斑剝似梅花

棄金坡

安邱縣棄金坡卽管寧舊宅

土炭

丹陽練湖早時土人掘封淤二尺餘得土色黑性埴可燃代炭

王龍澤

宋義烏王龍澤字潛淵度宗咸淳甲戌科狀元也官詹書
昭武軍節度判官元時拜行臺監察御史卒塋其墓
埋於朱氏築祠其上以土見家刻不發而祠且成徙無及矣朱
孟九太史說

韓愈

一統志韓愈南陽人今修武縣北南陽城是也何文定公集云
韓文公河陽人今孟縣也縣西韓庄有塚云公墓公集有過
河陽省墳墓歎我家本瀍穀有地界卑卑之句則公為孟
無疑唐史乃謂公鄧州南陽人蓋傳誤耳弘治間尚書耿

裕奏立祠

鎖穴

大別山鎖穴即孫皓鉄鎖截江處對江即黃鶴樓

長平公主誄松江張晨

長平公主者明崇禎皇帝女周皇后庶也甲申之歲泝齡
二十有五皇帝命掌禮之官詔司儀之監鈔選良家議將
降主時有太僕公子都尉周君名世顯者將築平陽以館
之開沁水以宅之貳室天家行有日矣夫何蛟賊鵠張逞臣
不誠天子志殉宗社國母嬙嬪慷慨歿焉公主時在穉齡
御劍親揮傷類斷腕頽然玉折霄英蘭摧賊以貴主既殞

授屍國威覆以錦茵載珠椒里五霄旦宛轉復生泉途已
宮龍髯脫而劍遠蘭薰能感蕙性折而神枯順治二年上
書今皇帝九死臣妻殉高天號緇空王座申罔極
上不許詔求元匹命吾周君故制是合土田郎第金錢牛
車賜予有加稱備物焉嗟夫乘鷁扇引定情于改朔之朝
金犢車未降禮于故侯之第人非鶴市慨紫玉之重生鏡
異鸞臺有樂昌之再合金枝秀發玉質含章逢德曜于
皇家近桓君子帝女然而心恋宮帷神傷輦路重雲華
墨何慙金榜之門飛霖穀林豈意玉簫之館弱不勝悲謫焉
薨逝當扶桑上仙之日距穠李下嫁之年星燧初周芳華

未歇嗚呼悲哉都尉君悼去鳳之不留嗟沉珠之在殞銀臺
竊藥想今月以何年金殿煎香思返魂而無術越明年二
月之吉墓于彰義門之賜庄禮也小臣展薄游京華式
覩遺容京地雖阡誰按柩館祔連象塚祇叩松關擬傷逝
予子荆朗香空設代悼亡于潘令遺掛猶存故再拜為
之誄云

又晨記事曰甲申春上議降主時中選者兩周君其
一即都尉也其二人內且糾家教失謹即掖群內侍疏都
尉驩曰貴人遺貴人是無疑矣順治二年詔故選子弟都
尉君應詔起是時有市人子張姓者冒選應危得之矣

名內廷給筆札各書所從來市人子書祖若父皆市僧則大
叱去曰皇帝女配屠沽兒乎命都尉書則書父太僕公祖
儀部公高曾以下皆督纓遂大喜曰是矣即致武清侯第
賜金錢牛車庄一區曰若干頃具湯沐成吉禮焉時已酉六
月上浣事也公主喜詩文善鍼鉞視都尉君加禮御藏
獲陽笑語隱處即飲泣呼 皇父皇母泣盡繼以血以是坐
羸疾懷娠五月於丙戌八月十八日薨淑齡十有七耳都
尉藏所遺像右頰三劍痕即 上所擊也老內寺見輒
拜曰眉似 先帝云

孫承澤春明夢餘錄曰公主名徽嫔甲申年十五傷肩臂

肩除明年九月成婚丁亥卒公主葬周氏宅旁今地賜
豐盛王垣之不可入在廣寧門內周世顯父國輔

趙璞

廣寧門

元彰義門
俗目之

在外城西南門外天寧寺正統七年重

建塔輪壯麗內侍趙璞連城逃禪于此嘗值之間以遺事

云懿安張皇后被難至偽將劉宗敏曰國母也母自辱
送跡外戚張氏張氏母同懿安皇后投繯歿曰附德
陵先太子被脇東出師勞億兆于三河其後入燕入長
安俱偽也如果太子更入燕何為豈仍有千秋之望我必
不然矣此不過狂少年失計圖一飽終其身耳又貴妃者

氏流落雒縣民間事露雒縣令送入京尋寓行人司致餼
前歲卒給五十金葬西山 舊廟祀東李氏及趙氏俱存
又貴妃田氏名秀英妹淑英今史嫁天壽山十二陵初歲
祭年永今止三牲平西王吳三桂損千金營思陵本朝
亦助費若干云

熊明遇

進賢故大司馬熊壇石明遇隱山中金聲桓之變招大司馬
荅以詩曰脫却朝衣換衲衣人生七十古來稀乾坤廣大
容吾老不管人間是與非

高倬

忠州高倬監軍節度使金華嘗夜坐衙舍有鬼裸立高色
不動叱而逐之鬼奔入辟隙高引筆署封字鬼不復出

感王贊

吳縣盛王贊崇禎丁丑進士令蘭溪秋毫不縮隸家敗
屋三間風雨漂零漠如也蘭溪人過而遺金帛不受今
杜戶不出

朱大典

東陽朱大典未孩撫淮時退食偶抱幼子戲語云再任三
載其庶乎適縫人旁聽遂夜下山陽令立歿于獄令諸縫
人何罪曰寔未嘗忤適醜其所云耳

王紹徽

關中王家宰紹徽與馮都憲少墟先生從吾同居省城以少墟講學病之各不相見慶弔俱絕家宰污于魏璫敗其名而性亦清執不問生產田宅如諸生時無寸進霍魯齋先生說

薛國觀

韓城薛相國不良歿坐貶五萬籍其家財六百金所居廳事三間共室四進並世產也好使氣故鄉人不附霍魯齋先生說

薛國初直閣欲出榜思久之書到任未久云中書某從旁田

宜履任方新即改從之

孫之獬

淄川孫之獬以翰林侍講子崇禎初年三朝宴典時編
修倪元璐倡言燬之也燬之日孫大哭於朝自免疎甲申
降李自成起官翰林院胥吏竊語孫厲聲曰我
親未葬子又稱不得已為此我獨不能為倪鴻寶乎後
堂榜曰聚星以犯偽相牛金星諱毀之入清朝拜撫江
西兵部尚書兼右副都御史未至轉內翰林院侍
讀學士之獬天啟壬戌進士

楊昌祚

崇禎甲戌杞縣劉理順宜興吳國華宣城楊昌祚以進士
及第拜官後各領廷試卷後昌祚夜被盜携卷出割
得廷試卷塗棄之邏騎拾以呈東廠曰上進亡何上命取
甲戌科鼎甲卷入覽劉吳並如命昌祚計窘欲藉言付
疎未易及也或曰上徵廷牘必有故恐即在內中宜以
寔聞昌祚從之得不問劉吳卷竟不復給

王斥

蘭陽王斥字王屋崇禎辛未進士敏給善諧謔壬申除
滋陽令六月蒞事十八日以魯宗人壽鎔殺以漢斥承牒
治其獄鞭壽鎔十五忤魯王為巡按御史所劾逮下法司

謫戍睢州衛行時斥御與赤幘列二赤捧牌書欽戍睢
陽其姻家嘗召飲斥戴紫金冠而往凝坐不一語酒半忽
起入優舍裝巾幘如嬪人登場歌旦曲二闌而去其狂誕類
此在戍十年庚辰上疏自理略曰臣功崇頑辛未進士士
申四月除滋陽縣六月二十八日到任七月二十日山東巡按御
史以擅刑宗室激變地方見劾逮戍睢陽九年于
茲嗟乎臣獨何心能不悲哉古者遷罪人于四裔曰禦寇寇
明其不以為人而鬼物之也況名業辱在縉紳一旦賤不齒于
齊民又不能有大馬之決一瞑萬世不視尚蟻貪幸得減死
縛然視息人間世庶耻則勇可謂俱盡臣獨何心能不悲

哉然臣之所以含酸茹痛不敢一言自明于當年者誠念
折翼窮鳥方在羅網直指不出力殺累臣以軒輊之詞不
啻注洪海之波以沃巖厓顧華嶽之巖以糜虫臂奮
螳而反盾相稽墜井恐遂湓下石之毒始獲屈而吾舌尚
存戴盆當終有見天之日也 陛下累除禁錮之令弘使
過之仁顧臣孑立無援且菲官淺能未有所効非寔如
鮑叔之深知管仲孰敢為劉閻之浪任朱穆新穎許罪
人得輸緩自贖典感余臣力與願違墜兩隕擇有稿
項黃誠荷戈以死卒不獲沐 聖天子之特恩休澤也
臣是用拊膺痛心而直指又不任職罷去臣乃敢以負罪

顛末一為皇上陳之夫壽鎔殺死以湛乃臣未莊任撫案
批滋陽簡審不敢問經年矣臣到官吏胥難臣亦樂自見
命兩長史與俱及期南面設王位臣西向左長史東向右
長史比臣肩簡竟使前受簿責則皆左右隣株連者
臣頭不能平呼渠魁移時乃昂然我冠博帶高趾潤
步跂立于前而左右翔看無人臣益不能平是無朝廷王
尺矣咎十五釋株連者械之先是壽鎔以五十金賄左長
史右長史用醫幸王見臣執法各慚震失氣惟是易謀
大家昔人所戒臣之踈臣不能自諱也然是役也臣以為
直或雪生事惟人鬼不圖壽鎔夜號召以黨鳩衆捏揭

與臣為難詰朝臣猶闕千人犯赴縣成招而長史司發諸
宗要叔之臣具啟王投臣故冀潤中臣乃求去官杜門士
民具伏保留臣之懇臣不能自諱也至云擅刑竊謂以
朝廷命吏不敢尸一罪宗之獄屑焉假王位為虎附而長
史如鼠嬖識者或有畏首畏尾之譏翻得自用自專之
譽臣寔媿矣至諸宗各從其類士民亦自行其直意偶
相左聲僅及惡大何所殺何人而無故張大其事曰地方有
變夫地方亦幸而無變也假不幸當日有俠如郭解劇孟
者流憤諸宗之強梁洩蓄怒以目眾趙人笑薛公之變
興于感榮華臣遂析狗之禍生於慮表敢忘死請陛

下當謂誰是激之乃尤可異者直指初特勇于行膚受
之仇誣既亦知質入告之無謂作事共謀始耻過遂尔
作非必欲寔諸宗虐刑斃命之口陷小臣以蹊田奪牛之
罰遂有老病考終牖下而曾曰公簿懲者指曰杖寔致
之苛請他比構成臣罪嗟乎臣獨何心能不悲哉臣以廿
日令為諸宗窘辱其逮也士民數千人攀轅痛哭當
日官旂具在人可質訊故忘死請陛下此豈甯成義縱
所能得之百姓者哉假能得之竊謂盡得令如是與
之理天下足矣又何多誅焉臣少負不羈危行高論寬
其用敢必猶人數年來魂驚湯火神愴鬼禍剛足含吞乞

大絕望于鄰姬身尾懷安熱中久冷于漁父第以主亮舜
之世罹工驩之討沒寢痛之耻之且近患喉血之疾藥石
無功昔人不得行其志往有斯貧病交侵理解老壽嘗
恐不及客星見于天青蠅呼于市薄命之人旦晚狗馬填
溝壑世有不畏強禦之士懲臣為前車而又為醒醒吐剛
茹柔者藉口此之所為骨即冷而目不者也故冒死哀
鳴乞陛下之憐察之也疏上不報疾亟自作墓志銘曰
誰之不如而作公卿奚養之違以不久生同年張天機
刻其遺稿

辨黃石齋薦事

孫侍即北海承澤作四朝人物傳以黃道周謂相國賢達
聖薦之吳駿公先生曰吾往見溫體仁當國雖推風望
之臣如上饒以偉以醇謹易與也吳人辟推文、起文起
雖清望嘗議烏程不心折語人曰文、起議我、未之服
服我者必賀對揚姜居之也烏程素貪財好色自廷訐
入相寔自厲不紹姜居之性清孰是非井、對颺敦雅
不甚練事故烏程引賀直闕東宮出閣孰就學推
講官不及道周同官項水心煜楊機部廷麟各奏臣才不
逮黃道周也時烏程罷滿川張主祭句容孔貞運在事闕
疏自辨且詆道周嘗薦鄭鄆其人內有曰君子一言以為

知一言以為不知言不可不慎也。云道周引謝楊机部又上
言孔子聖人也自謂詢命不如宰予管子賢人也自謂
進諫不如東郭才後世不以此置貶于道周何多求焉
一日道周偉業並轉官朝謝華會閣臣于直廡對
颺日前揭某所草也先是閣揭出群議淄川句容不以
及江夏至是士論不之直亡何會省中泄旨事江夏論去

榜購一詞

總督楊文岳兩冒出師榜輯劇寇張獻忠畫六頭書西
江月詞一首曰此是穀城叛賊而今狗命垂亡興安平利走

四方四下天兵趕上逃去改名換姓單身黑衣逃藏軍民人等緝未降玉帶錦衣陞賞此詞徧粘通衢可笑甚矣

崔青虬

都人崔青虬順天諸生也善書繪孰守寂無子贅婿
無賴盡破其產甲申之亂竟餓死吳駿公先生題其洗象
圖云嗚呼顧陸不可作世間景物都蕭索雲臺冠劍半
無存維摩寺壁金凋寥落閑元名手空想像昭陵御馬
通泉鶴燕山崔生何好奇書畫不肯求人知仙靈雲
氣追恍惚空如洛水乘龍塢平生得意圖洗象興來
掃筆開屏幃赤罽如披洱海裝白牙似立含元杖當
時駕幸承天門鸞旗日月陳金根鷄鳴鍾動双闕下

蹙然不動如崑崙崔生布衣懷紙筆道街窮哄金吾
仰見天街馴象來蹙去沉吟思十日眼前哭兀加摩筆非
山莊屋非陂院昔聞阿難騎香象旃檀林裡頻經過
我之此國得髣髴貝多羅樹金沙河十丈黃塵向天闌
霜天夜踏宮牆月芻豆支來三品料鞭梢趣就十官
謁材大寧堪世人用徒使低頭受羈紲京師風俗看洗
象玉河春水消流潔赤脚烏垂縛雙帚六街士女車
填咽叩鼻殷成北闕雷怒蹄捲起西山雪圖成懸在長
安市道旁觀者呼奇絕性僻難供勢要求價高任名
家辱十餘年來以事變碧雞金馬驚傳箭越公吾家

教象兵扶南身毒未酣戰惜哉崔生不復見畫圖未得
開生面君使征軍使趙陀蒼梧城下看如練更作昆明
象戰圖止須一匹鴉溪綃嗟崔生餓死長安陌亂離荒
草埋殘骨一生心力付兵火此卷猶存堪愛惜君不見武
宗供奉徐髯仙豹房夜直征游政青熊蒼兕寫奇特
至尊催賜黃金錢只今零落同雲烟古來畫家致身
或將相丹青慘澹誰千年駿公先生又上詩餘善填詞
所作秣陵春傳奇今行世當作賀新郎一闕萬事催
華髮論龔生天年竟夭高名難沒吾病難將醫藥治
耿耿中熱血待洒向西風殘月剖卻心肝今置地閭華院

解我腸千結進往來倍悽咽 故人慷慨多奇節為當沉
吟不斷草間求活艾炙肩頭爪噴鼻今日須難決絕早悲
君重來千聲脫屣娶非易事竟一錢不直何須說人世
事終完缺

王重戒鰲

金壇王選部有三重歲壬辰烹鰲剖見玄武像眉目如
畫目不復著選部部親為吳太史說

岳父執事

長洲文待詔微明為崑山參政吳愈之婿書致吳稱
岳父執事

王倬續配

太倉王侍郎質菴傳元配氏生子情官生晚年五十四鄉
行見氏女當織不舉目異而納之生情生世貞世懋名
位美冠冕海內

續文獻通考

華亭王圻續文獻通考其藝文類載琵琶記樂府水
滸傳謬甚國朝宗室鄭越襄荊淮滕梁衛王並仁
宗昭皇帝子而云成祖子其誤庸止魯魚亥豕耶

李潛伯

潛江李潛伯

能詩遭亂外蒼頭

能口記數十首

目搜刻之見溧陽陳百史序中蕭穎士有僕杜亮愛其

博興雖善楚不忍去今得李氏蒼頭尤奇

銀山

天台縣南十里銀山萬曆二十六年採鑛四月四日太監委官
來采之不得先是地理言此山居午動必致火五月縣東
南果被火八月復采不能得明年閏四月內臣劉率
同知黃溪入取砂烹試不得

顧成墓

鎮遠侯顧成墓江都縣官河之東岬亂後為運僕所
發訟于官運僕論死追黃金十兩白金五十兩銅鑪等
物塚骸形
盡僅骨在

永順保靖二司土風

永順長官司長官彭弘澍地周七百餘里設五十二旗各旗或千人或三五百人自耕而食聽徵發十抽其一各農餉限日踐更毋踰期者五十旗合把分領之其一土官自領

土官嬪名寵致巴擢致巴寵巴擢巴擢麻 金夫人銀夫人

男子綳髮或布纏項短衫短單袴者加重刑舍把輩公服如漢制嬪飾澹粧鴉鬢燕尾耳環繫貧富判焉衫短襦長似帷裳二重必曳地不袴不弓足土嬪草履官嬪朱履野行乘馬

土官署壯麗直段錦山原名斷頭形似之土官諱而改焉自前代來子僕多篡弑則淫禍也

永順鎮溪界接辰州自鎮溪而上曰鳳灘刺灘大石橫枕最
端險過者必割牲以禱長年二人首尾刺舡浪高至數丈
舡僅露首尾俾者十之七

永順轄崇山有驪曉廟土人修怨者持牲酒往詛之三日
怨家多斃漢官車騎經此判署止藍墨筆不宜硃
則被崇

漁戶最悍有警即充前鋒春夏間土官觀漁為樂先截
流聚魚候土官酒酣入水捕魚口噉一手捕其二躍岸稱賀
土人善織絲又同布以苧麻拭汗不穢

茶用草葉荊芥蘇茶椒薑等杵茶雜和之晨輒數甌

點以炙麵味諫而濁

種晚稻曰堂禾米

酒赤如雙投法麵以荊芥香等物色清黃味冽曰尚
酒外販得善價磨乳舂莖為粉水調之承以箕漉其粗
者冬青樹子點茶

土人見虜伏草間捕者樹竹柵圍之凡三層必積低一隅
俟虜之軼候六七日虜飢死逐皆擒以獻

魚類不一有鯊魚唇豐腦滿脊青腹白匿石隙不耐離水
土人夜維兩艇束炬前人持火後叩板魚聲仰腹叉中之
百不一失

山上有異書貯以沉香匣其形如棺半露石間土官嘗往
發之輒值暴風雷而止辟劑十餘仟石乳凝為大士旁列
瓶馬善財龍女等像儼如圖畫

土司西岬山高雖大風第見巔樹搖曳不定不之覺也
冬不甚寒少雪衣麻數重足禦冬

舍把各居一莊自耕織畜產不等所獵禽獸董之以饋
外客馬少而駿登山如履平地

土官食蒸豚喜全體豚雖解味腴重不過十斤

夜寢男女同一室坑上僅距尺餘幔隔之

土人絕辟止騎稻草一束推下亂石間不傷號草馬

土產臘梅通草黃楊沿溪連嶺土人以為薪不惜也
土官饋客嘗食外禽獸野味凡百餘種而不可多受以人
貪虐然為輕重

以上二司土風有客向習被中者為詳其事而錄之

珠池

廣州府城三門官署外俱節舍珠池即在海中一望沉碧周
若干里餘則濁浪排空兵崇禎三年珠繫其後甚少天涯
驛在城南旁為海角亭

都市

北方待期而市曰集京師大明門兩旁曰朝前市不論日

保靖長官司長官彭朝柱與永順司同支金甥舅亦
時仇殺設十三旗地隄于永順而兵銳過之旗各一舍把
土官自領其一鯁頭短衫刀耕火種其田再易三易
者不賦居室衣食俱潔美器自外郡至漢官至例公
饌酒九行優唱九勸更請先至客一人主席舍把左右
侍生土官微服給役聽漢官語嗣後正延方出款俗好
巫凡卜迎老巫鼓樂幢蓋導至一荒坪擯矛而裸跣其
上舞蹈娑娑尋引斧呪畢劈腦至胸取肝瀝血以祭土
官刑牛馬禱焉土人以五色旗繞壇而呼巫仍納肝
躍下被法服同主人至暗室張數燈書主客姓名庚爵

分燈歷一晝夜明則言昏則咎老正胸額及腋可數也
土官延客僊人備南北調正席坐後撤送副席始供著
食盒是織金錦籠器進之每進侍奴高唱主人方舉箸自
起行酒至十餘金銀犀玉等器一酌不再復以是悅々珮
及土物之佳者遞陳于前更衣啜茗至別館進女妓夾
侍藝香熏燭其禮大抵擬于王公

保靖山連酉陽司相傳大禹所開岩壁有斧鑿痕溪
中流自蜀分派歷酉陽保靖永順三月出北江經辰常瀝
洞庭以達于海水多碎石流徙靡定水性洶丈人涉水沒
脛即仆不能起下灘轉睫數十里挽舟而上少不逮纜倒水

東華門外燈市則元節前後十日東華門內曰內市則每月三日正陽門之橋上曰窮漢市則每日曉刻刑部街西都城隍廟市則每月朔望及念五日今廟市移外城報國寺期如前甲午冬增市靈祐宮則每月八日燈市亦移正陽門外聞之台皆不如昔日之盛

衚衕

京師各巷曰某衕衕其義無出謝肇淞五雜俎曰閩中方言家中小巷謂之弄南史東昏侯過殺于西弄即巷也元經世大典謂之火衕今京師誤為衕衕

洪孝廉

新安洪孝廉某計偕道臨清值雨後驅油韉游于平
康見薄妓搗衣而寢問之曰我寢衣也洪曰約韉衾中
妓作色曰何污我錦衾芳褥乎洪曰此吾寢韉也遂問
始知為孝廉也乃引謝

偽正文體

李自成盜據關中令諸生經義俱散文母八股對偶禮
政府尚書輩精侍郎姜學易從事秦鏡提督校監
察御史黎志陞等八各撰文一篇刊布為式

後宮內師

真寧文翔鳳繼室鄧氏定遠侯之裔也其姑字秦邸氏

往依馬通慧工繡繪書法文翔鳳嬖之嘗從游未央宮
詩人醉卧未央宮笑弄晴霞映酒紅落葉漸隨寒蝶
舞高秋爽氣碧烟空又和翔鳳詩幽人閒水更携琴好
傍清池發妙音曲徑橫穿花意密重臺斜拂竹情深
荒離媚菊合金暎疎木寒禽夫玉吟欲攀艷日留歌舞
縱迴蹀心戀暮岑氏既娶居後李自成陷西安前恭政
張國紳故文之同年也言鄧氏才親于自成自成召入封
為後宮內師與妻女講毛詩自成敗還家或言於北
將携入京在道列牌欽名後宮內師在道口占三峰一
別不復遂

和淚彈妻與王婦同薄命學騎胡馬

度陰山內院范文程聞而購得之其弟鄧元薦知黃
梅縣

謝茂秦直說

謝茂秦榛詩家直說載山房隨筆曰禽言其曰鷓鴣
鷓鴣鷓鴣帳房徧野相喧呼阿姊含羞對阿妹大嫂揮
泪看小姑一家不幸俱被擄猶幸同處為妻如願言相
憐莫相妬這個不是親丈夫此作可悲讀者尚不堪況
遭其時手茂秦又載馬柳泉賣子歎貧家有子貧亦
嬌骨肉慈重那能拋飢寒生死不相保割腸賣兒為
兒曾臨時別何時見徧撫兒身紙兒面有命豐年來

賸兒無命九泉抱悲長嘯兒切莫憂爺娘憂思成病
誰汝將抱頭頓足哭聲絕悲風颭天茫

梁州杰

梁州杰華廩本李姓嘉善丁清惠公賈奴產子也今伴
讀時警敏不群得補諸生曰丁中龍茂視諸郎君作
黑大王傳以刺之同學常曉呈于清惠遂呈按察使
陳良訓捕之急走松江改姜中感已走湖州改孫璽仍補
諸生清惠聞之益購捕遂走揚州襄陵梁尚億以治
鹽笑予視之又好游狹邪我母張氏有後言尚億曰大
吾門者山子也第任之母問所出入已就試襄陵不見容

曾有大上之例入賢諸生庚午舉于山西明年辛未成
進士出右中允倪元璐之門齒錄俱書父尚億母張氏妻
費氏則元配也所刻制義故誕肆不經如子路止宿卽
破云相思相見知何日此時此夜難為情如舜南向而立
二句文有云謹具田間大老計開陞下門生如以直報怨
文起云殺人之父兄子弟人亦殺其父子兄弟奸人之妻子
朋友者人亦奸其妻子朋友奪人之功名富貴者人亦奪
其功名富貴壞人之節義文章者人亦壞其節義文
章凡怨皆當報也是遵何德哉此蓋為丁氏發也已授
城固令八月調劇長安先是故里舉家下獄至是托保

遣舟盡携以行在任三年馳封尚億行內召而倪元珙以御史按吳為逮常曉杖褫之丁公子銷度其反噬入奏其無賴銀臺不納而御史松江張為清惠公門生遂奏梁州杰穢黷無狀有旨奪職州杰寓關中四年益酣淫放浪恣為奸利尚億沒但白衣冠不象不喪巡撫孫傳庭勘上謂本丁氏傭書非蒼頭也陳良訓時轉陝西左轄浩口可証州杰又賂大璫曾化淳數千金有旨復官補曹縣婪甚苛討富室以事朝貴遷刑部主事未赴病遂襄陵猶市仕御史大宅嫌其堂卑改築五楹堂成州杰伏枕不及一日以消渴疾卒今其家頽落有遺議云

咸寧王文宣說

惠世揚

宋昭惠世揚元祐萬曆甲辰進士曆刑部右侍郎李自
成故牧卒嘗給事世揚之門及潛位思世揚語自得惠
先生來則幸甚曰致書世揚即至拜右平章事時左平
章牛金星也世揚擁大轎揚揚出入亡何自成敗走世揚往
北兵入燕三年不見用或問其困處世揚先朝夙望今年
老如未用當放跡毋令索米長安也撫政王從之世揚遂
里綏德副總兵王永強作亂劫世揚從軍流掠富平敗
于永原鎮未強自縊世揚不知所終

辰州杜烈女詩并自序

余辰之城南杜氏女也父偕公母姜氏生余一女及兄弟兩
人母孕余之夕夢一女子玉聲璆然向母而揖自號英臺小
姐欲組居數載母覺而孕及期生余遂名小英父母目
愛之余娘母適郭東王氏素巨族善刺繡早寡余每就
姨學之頗工余舅氏姜伯仁邑庠博士也余祖與父俱
博士負舅氏嘗過弄余喜余聰欲訓之余母喜而聽之
迎舅子家之小園挹涼軒取古今烈女閨訓逐一詳誨
其古文詩歌例皆烈女郎語錄他不敢從余嘗讀
木蘭記述黃崇嘏傳莫不心訝以為女子混迹男兒縱

完壁亦藏身危險切。非之甲午王師掃蕩辰以左右
舉足寔難兩全余母携之入山累月適王師大括山窮
崖絕壁鳥飛不及者扳援而上余為小軍所獲當求死
不得小軍進之主師主帥將圖不免余含泪跪曰此身
敢不相依奈母昔年病余嘗設有誓期為母齋持三
年報奉今已兩載十月矣尚差兩月倘將軍能寬我俟
回向完沐浴薰衣以充下陳所甘心也不然惟祈一歿將
軍姓曹亦有母事之至孝聞余言泪下竟如約蓋詳、
洞庭余非不能死也忍以一片丹心投之荒烟野水中遂無
知者時當大比楚賢士大夫俱集黃鶴白雲間即鉞即

楚與鎮撫楚者或具特識且余里應選者亦必有人是月廿四日也主帥辰起以一鏡贈余、拜受和祝曰彼求鏡國吾恐鏡破耳主帥素憐余不欲閉之舟中以漢上一室相儲日午余自知不免因復詣主帥曰感君恩寬主此恨舍報無地但余粗知筆墨昔不敢言今不再隱矣余母為他軍投之湖畔今余與汝好合骨肉之情寧忍忍乎敢借紙一幅作祭文江上吊之祭畢則終身偕老矣主帥諾以紙筆給之余私笑曰非祭母也寔自作絕命詞以傳此千古傷心事耳因賦詩十絕以油衣一幅納之胸前至晚臨江祭母泊大江東去或得與波上下以免一身之辱耳江神

有靈擁余子怒濤驚浪中得傳不朽亦非敢望也絕命
詩十首

家鄉一別不勝情此日含羞到漢城忽聽將軍搜括令教
人馬散情餘生

征帆又說過雙孤掩泪聲却夜烏墓入江魚波底去不留
青塚在軍中

骨肉親辭弟與兄依人千里夢長驚疎魂欲返家園
路報到雙親已不生

厭聽胡兒帶咲歌幾回腸斷嶺猿多青鸞有意隨
王母空教人間設網羅

遮身猶是舊羅衣夢到瀟湘何日歸
遠涉風濤誰作伴
深遙祝兩靈妃

生小伶仃畫閣時讀書曾見師
濤聲夜悲何極
猶記挑燈讀楚詞

閑時閨閣惜如珍何事牽裾逐水濱
寄語雙親休眷
戀入江猶是女兒身

生平猶是未簪笄自投江濶歎不齊
河伯有心憐薄
命東流直遠洞庭西

影照江干可勝悲永辭鸞鏡斂雙眉
朱門空許成
秦晉死去相逢絕不知

圖史當年強解親殺身自古欲成仁管綏雖愧奇男
子猶勝王朝共事臣

陳簡肅

誅安陳簡肅雍踰冠登弘治進士在京邸見鼠穴壁
一新偶坎之得書二秩俱兵適之術讀之神解遂請土火
二道後宮勦峒夷出入矢刃間有驗撫巡驗撫南轅
三月晉大理寺卿王陽明代鎮告之曰寧藩必叛宜備
之在棘寺嘗署刑部閱因有僧九人公素不喜僧訊時
俱杖斃逾二日頻見僧為祟尋卒年五十二子應和隆慶進
士歷河南布政使子秘書不解矣應和長子某狂易然其

書簡肅公曾孫永遠說

九螭玉樽

崇禎己卯冬錢塘朱方伯本吳以兵備商州嘗塹地三丈餘得古塚有髑髏如斗旁劍一金甲數葉又九螭玉樽一血漬斑剝五色皆備朱珎之今不存

神廟遺事

大內牡丹感開神廟思以磁瓶注之偶江陰民有一均州瓶高數尺許欲得十金或笑之忽內官覓進上喜問饋奏曰二百金上諭內官先給百金如未肯再給五十金後得之神廟寵李敬妃死上簡括其房闥得一床究問何求

曰石尚書所進上大怒即除却所服飾決意謀石星矣
神廟侍太后最恭焉梓宮殯殿座蓮花九枝

神廟問內侍曰外間說我字若何對曰甚是寶愛旨
老氏云知美之為美于是絕不復書

御史劉光復既逮褫帶落內侍手 上顧見之曰此劉御
史帶也御史何在對曰在朝房候旨 上曰送遂他去

三途並用

三途並用謂科貢吏也近來人多不知以甲科鄉科歲
貢當之非也

試部曹

奉和郭子章曰南京工部後庫多貯舊卷查洪武年間案卷與今無異特有試即中試負外試主事等官其都吏令史俱用花押視尚書花押不甚小

兔鶻生印

洪武初寧夏都督馬鑑宅所畜兔鶻忽生一印訪于老者曰此不祥也城其空乎後空果以付所驗

長坂草

當陽長坂趙雲戰今草尚斑

楚志

鱗魚

鱗魚不過鴨關驛上饒鄭以律詩出似游魚過鴨關

西施神

苧蘿村土地為西施蕭山縣

香毯

司馬相如美人賦云金鉏薰香鉏音匣香毯也衽席間可旋轉者西京雜記長安巧工緩作被中香爐即此

岳飛廟

湯陰縣岳忠武廟閭壯兩廊從祀數十人皆當時同事文武諸人寢殿祀忠武及子女廟門內祠施全鐵鑄秦檜王氏万俟卨王鵬兒張俊五像過者擊之已破

康翔座右銘

惠安康朔用復舉于鄉絕意仕進遙授都察院都事
作座右銘中庸五弗措之訓可以為學曾子三省之旨可以
立身孟氏三自反之說可以居鄉

諸城古瓦

諸城縣西南二十里有古諸邑即春秋文公十二年季孫行
父帥師城諸處今城北皆湮而壕東北猶存故跡北臨
濰水嚙南岫塌出古井瓦甚之中得古瓦厚大且堅瓦
面皆作細紋聲如鉄扣之鏗然與今瓦迥異二千年前物
也古人性巧心醇凡制為器物皆精緻不苟故有裨世用
不似今人一切鹵莽祇解博利已也

陳鼎諸城縣志

蟠桃核

南京大內蟠桃核其半容米二升七合左刻蟠桃右刻咸
翔三年又大鵬翅骨長數丈管同尺又大魚脊骨節合
抱如臼以上俱陳永泰所見

元寶

北京節慎庫金銀元寶各一盞鎮庫之物以梯登其上其
邊尚高于人也上刻永樂九年

龍宮寶石

成都唐高僧智浩嘗誦法華經所居近龍洞龍女時來
聽經一夕貽一明珠浩不受珠化為石似石榴以水洗之有四

字曰龍宮寶石至今存焉見明初金室禪師宗泐詩中

麒麟皮

弘光帝初顧瑞屏餽錢繡五麒麟皮方二尺之煖設容餘

童子命名

新河宋瑩春游楚京山唐氏贈二童子時為赤砂白石

夏鑊

天台夏鑊能詩文拙于書凡題識輒令友人清禎代之
禎弟禕並進士禎嘗有難色鑊于是勉學書自為體
他人不易識也嘗時甚易之今頗有珎者楊開宗說

丁賓

丁尚書賓初舉進士見座主王錫爵錫爵曰既登第
當略看古文丁請古文云何錫爵曰如韓柳歐蘇是
也賓問韓柳歐蘇是一人是二人或言廿一史賓曰一个人如何
做許多尚書名臣也初年寡學故爾

李藁

內鄉李藁子曰嘉靖癸丑進士選庶常授檢討在還南
京儀制主事歷提學副使罷歸藁多藏書好學者
于填注筆諸書援據該博其持論多砭毀道學訛
評氣節而詆王守仁太過言多其實詣焉者弗與也
左官家居好縱倡樂有所狎女優往來汲洛間藁微

服往從之女優登場為之按節群優漏言于主人主人延坐惟飲竟日惜廐馬與女優連騎而去中州人至今傳其事

鄭之文

南城鄭之文應凡公車下第薄游金陵時北里烏湘蘭負盛名與王百穀諸公為文字飲易視應凡應凡與吳非熊作白練裙雜劇極為詼調聚子弟演唱名湘蘭觀之湘蘭為之微笑司業定襄傳振商訓士清嚴一日召應凡臨東廟下出一編擲地數之曰舉子故當為輕婁蝶即收以夏楚久之乃遣去應凡舉進士傳晉北

祭酒介錢謙益為謝過傳一笑而已應尼官南部
郎終知府

軍器

京師西內戊字庫貯一切軍器如戟鎗刀劍之類凡諸
者有鋒磨匠治之其法先塗香令潤透後以兩柄銅努
銛之其鏽盡脫復磨以礪石光明耀日

鏡梁

錢塘詹鍾王嘗讀書古僧寺見鍾樓傾圯有銅梁一
為宣德五年物購之久而過海寧沈氏其舡屋為梓枋
丈許上載弘治歲月甚詳又鋸而購之命工斷梁刊曰

昆陵龍

崇禎九年四月江陰之青洋獲一物如鯪鯢有鱗角四足、
五爪色青黑長可五尺漁人以進常州守陳瑄曰龍也時孫
慎行拜禮部尚書瑄作龍見說繪龍其首以祖道而鄭
鄮北上謂陳守獨贈宗伯也來請別多請記不聽
鄮至京口貽陳守詩其題曰龍見于昆陵已鄮至京下
獄作活龍說識上謂出自陳守云龍見非休徵歷、
有驗上得之以語太監曹化淳此事果否化淳故善大
司馬陵完學完學以語侍郎蔡奕琛奕琛遣急足
走常州徵狀陳守進鄭氏詩扇事得白先是陳守放龍
西門外潭中日啖池魚土人覩之始知非龍也

塞河

俗傳宋禮治河于汶水發源處鑄七釜塞其泉水始來

章湘友

長興章湘友嘗有道者至其門云秦人授以秘書一卷先
覽上卷俟十五年後發下卷章覽上卷頗平久之發下
卷夜夢道者責以負現約斷汝足忽足廢卧辱三年又夢
道者云知汝悔心且遂汝足遂能步令殆五旬人欲傳其
術終秘之自云吾特守是書非能用者如用書後人自負也

劉漢儒

大城劉漢儒任四川巡撫長子某從官而歸下巴江經張桓
侯相山勢險惡自下望之見崖石如神像例先祭始發劉
氏子不信竟發湍渦奔迅覆其二舟俄巴縣令致祭謂
此中丞子必移罪我余何禱華忱惚間有三人剪劉氏子
又二僕出水又二僕沒矣劉氏子得悸疾抵家卒

仙人島

崇禎甲申春三月長安失守戶部郎中孟津陳惟芝進士
司餉永平挈家以海舡南奔甫出港颶風大作舟搖靡
從沿潮而行抵暮折入一島隱見燈盃舟人毋驚岸上也
夜分復聞机杼聲乃稍安質明以二三蒼頭登訪遇女子
數輩俱妍暫長襦廣袖滿挿山花見客而避忽失之意其

仙也行里許稍進平時望牛羊在牧鷄犬相聞環居數
百家方田作畝之則導至家有叟出揖布袍芒屨大冠
看其龐眉長數寸貌似紅玉問官長所自曰自
永平失風者也目迷時艱叟謝不知問其里姓曰某姓年
百二十有五此地長春不甚暑祁稔而不飢壽而不夭
俗稱仙人島云問何代至此笑而不答因命其子進雞黍享
官長餘刑一豕炊粟一石享從者其子亦百歲餘人也
叟曰吾居此百年絕外事漁舟間一至距永平千二百里
矣昨竟一日至亦奇遊也吾山中饒木石公能居之乎陳

辭為留馬日饌魚蹄向即大治具土人多壽有二百十餘
歲者惟日飲潼乳啖薄糜不出戶耕人佚豫嬾女不黛而
妍無禽鳥馬驢衣俱木棉其布織潤勝于紵綺設食潔
甘而無酒陳所携酒取飲之數進不云佳也擊鮮則客
我終不赴客飲久之舟人思歸謂乘風四五日可達永平
也別以八月望後一日贈雙白金笑卻之曰山中無需此也
贈以棗曰吾田自沃陳氏內子贈其嬾女珠翠衣鈿之
屬皆不受僅受帛衣若干島人群送既揚帆猶登海
山遠望云陳再宿達永平恍然自失者累日

崇禎甲申北京陷常熟錢汝結布高閣變哭三日歿

而南部之變一日襖被入庄收麥因飲鎮鑰付家人曰有急
可沉井中汝結平生未嘗外宿家人疑之近庄里許使重
子先生往久之不至扶路求之不得明日得屍于僻路淺水
中蓋自沉也年五十絕筆詩曰吾族在宋代輪翻稱名門
顧思仕韓節終元無顯人大明既中天稍登縉紳迨茲
三百年奕葉被國恩小子最不才慕忝觀國賓迨茲祚
中絕空傷嬖嬖魂五人下農祿四葉太平民祈以非吾
分始生愧此身倦蓋棺意欲與楚龔論

何母董氏

錢唐何母董氏老而娶有田數十畝在超山無子從從子良棟甚厚崇禎庚午良棟鄉薦為竭力治裝歲贈並不薄乙酉母迎良棟一家以往資給之已良棟謀仕母痛哭止之良棟不能娶署臨安令殺前令

唐士 母聞之大怒逐其二子誅取斧碎其登科榜額罵良棟絕不許往來唐鍾玉親見其事為作贊

祁彪佳

祈世過紹興偏門內之能仁寺有豕臨及哀鳴聞之問值四金命脫之放寺中凡三十年去歲死重可五百斤

伶人馬錦

金陵伶人馬錦其先西域人嘗兩坊角技演鳴鳳傳奇
而西部李氏為嚴閭老獨絕馬錦自以為不如竟適三
年遂故部告諸客部曰今若奏鳴鳳願效所長于是觀
嚴相以相奏畢李氏大驚服夜間所自錦曰我安所自哉
問令相國顧東譙猶嚴相也走京師求為其門卒三年
日於朝房察其舉止聽其語久乃得之此吾之所師也李
氏曰善

左懋第

左羅石北使被幽弘光敗報至攝政王使人宴左侍郎飲
頗酣問今日何故曰此太平宴問所自曰江南破矣左大怒

仆席于地其絕命詩曰山折巢封跡路迴片雲南向意
如何寸丹冷魄消難盡蕩作寒江絕不磨閏六月十
八日臨刑又書曰生為大明忠臣死為大明忠鬼都人吳
某收殮同遇害五人兵部司務加職方司主事崑山陳用樞

閩爾梅

沛縣閩爾梅用卿一跡古崇禎庚午貢士能詩文
陳百史徵時嘗主其家